



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De modo tentationis. C. D

urn:nbn:de:hbz:466:1-38829

Num. 21.
Ibid. paulo
inferius.

Serpens ergo nec verba intelligebat, nec rationalis est factus: callidissimus tamē est dict⁹, propter astutiam diaboli. Locut⁹ est autem sicut asina Balaam: sed hoc diabolicum, illud angelicum fuit: boni enim & mali angeli similiter operantur. Hic quæri solet, quare mulier non horruit serpentem. Quod cum nouerit creatum esse, ipsum etiam officium loquendi a Deo accepisse putauit.

De modo tentationis.

Aug. c. 30.
super Gen.
lib. 11.

Genes. 3. a

Tentatio autem hoc modo facta est: Stans coram fœmina hostis superbus, non audet in verba persuasionis exire, metuens deprehendi: sed sub interrogatione eam aggreditur, vt ex responsione colligere, qualiter in malitia procedere posset. Cur, inquit, præcepit vobis Deus, vt non comederetis de omni ligno paradyfi? Cui respondit mulier: De fructu lignorū quæ sunt in paradyso vescimur: de fructu vero ligni quod est in medio paradyfi, præcepit nobis Deus, ne comederemus, & ne tangeremus, ne forte moriamur. In quo verbo dedit locum tentanti cum dixit, ne fortè moriamur: vnde mox diabolus dixit ad mulierem: Nequaquam moriemini, scit enim Deus quod in quacunq; die comederitis ex eo, aperiēter oculi vestri, & eritis sicut dii, scientes bonum & malum. Attende ordinem ac progressum humanæ perditionis. Primo Deus dixerat: Quacunq; die comederitis ex eo, morte moriemini. Deinde mulier dixit: Ne fortè moriamur. Nouissime serpens dixit: Nequaquam moriemini. De⁹ affirmavit, mulier quasi ambigendo illud dixit, diabolus negavit: quæ ergo dubitauit, ab affirmante recessit, & neganti appropinquauit.

Genes. 3. 4.

De versutia diaboli, qui id facilius persuadendum, malum remouit, & bonum in pollicito duplicauit.

Qui ad suam persuasionem pleniter suffulciendam, i. vt malū quod intēdebat libere persuaderet,

ret: & malum quod mulier timuit, negando remo-
uit, & repromissionem addidit: & ut eius persua-
sio citius reciperetur, promissionem duplicauit. *Quod ho-*
Vnam nempe comestionem suadens, duo in præ- *moribus*
mio proposuit, similitudinem Dei, scientiam *modis ten-*
que boni & mali spondens. Vbi tribus modis ho- *tatus est,*
minem tentauit, scilicet, gula, in persuasione cibi, *gula, vana*
cum dixit: In quacunque die comederitis: Inani *gloria, auar-*
gloria in promissione deitatis, cū dixit: Eritis si- *ritia.*
cut dii. Auaritia, in promissione scientiæ, cum *ritia.*
dixit: Scientes bonum & malum. Gula est immo-
derata cibi auiditas: Vana gloria, amor propriæ
excellentiæ: Auaritia immoderata habendi cu-
piditas: quæ nõ est tãtum pecuniæ, sed etiã altitudi-
nis & scienciæ, cū suprã modũ sublimitas ambitur.

De duplici tentationis specie.

E

Porro sciendum est duas esse species tentatio-
nis, interiorem scilicet, & exteriorem. Exterior
tentatio est, quando nobis extrinsecus malũ visi-
biliter suggeritur verbo vel signo aliquo, vt ille
cui fit, ad consensum peccati declinet: & talis
tentatio tantum fit ab aduersario. Interior vero
tentatio est, quando inuisibiliter malum nobis in-
trinsecus suggeritur: & hæc tentatio aliquãdo fit
ab hoste, aliquando à carne. Nam & diabolus inui-
sibiliter mala suggerit, & ex carnis corruptione
suboritur motus illicitus & titillatio praua. Ideoq;
tentatio quæ ex carne est, non fit sine peccato: quæ
autem est ab hoste, nisi ei cõsentiatur, nõ habet
peccatũ, sed est materia exercẽde virtutis. Ten-
tatio autẽ carnis interior difficilius vincitur: quia in-
teriùs oppugnãtis, de nostro cõtra nos roboratur. Ho-
mo ergo q̄ sola exteriore tẽtatione pulsatus cecidit,
tãto grauius plectẽdus erat, quanto leuiori impul-
su fuerat prostratus. Et tamẽ quia aliquã, licet mo-
dicã cadẽdi occasionẽ habuit, idcirco per gratiã iu-
uari potuit adueniã: vt q̄ per aliũ ceciderat, p̄ aliũ

*Quæ sit ex-
terior ten-
tatio, & à
quo fiat.*

*Quæ sit ten-
tatio interior, & à
quo fiat.*

Bb

erige-